

სახელმწიფო შესყიდვების შესახებ ხელშეკრულების პროექტი
ხელშეკრულება #

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ.თბილისი

2023 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტი.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, „ფასების ცხრილი“ –დანართი 1, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ეკონომიკური შემოსავლების დაფინანსების ფარგლებში თსუ საკუთრებაში არსებული ფერადი ბეჭდვის დანადგარის KONIKA BIZHUB C1060L-ის შეკეთება და ტექნიკური მომსახურების (CPV 50530000) შესყიდვა.
- 2.2. ხელშეკრულებით გათვალისწინებული შესყიდვის ობიექტის აღწერა და ძირითადი მახასიათებლები მოცემულია ტექნიკურ დავალებასა და „ფასების ცხრილი“ (პრეისკურანტი)– დანართი 1-ში.

3. ხელშეკრულების ღირებულება

- 3.1. მოცულობა და ღირებულება:
- 3.2. ხელშეკრულების ჯამური ღირებულება შეადგენს ----- (----- ლარი, ----- თეთრი) ლარს.

4. ხელშეკრულების შესრულების კონტროლი

- 4.1. ხელშეკრულების შესრულების კონტროლს განახორციელებს ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის ხელმძღვანელის 2017 წლის 25 აგვისტოს #189/0602-01 ბრძანებით დამტკიცებული ინსპექტირების ჯგუფი და/ან სხვა საამისოდ უფლებამოსილი პირი (პროფილური დეპარტამენტის/სამსახურის წარმომადგენელი), თსუ გამომცემლობის პოლიგრაფიული უზრუნველყოფის კოორდინატორი **თ.სირამაძე**, რომელთაც შეუძლიათ ინსპექტირება განახორციელონ ხელშეკრულების მოქმედების ნებისმიერ ეტაპზე, როგორც ინდივიდუალურად, ასევე ერთობლივად. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.

5. შესყიდვის ობიექტის მიწოდების ვადა, ადგილი და პირობები

5.1. მიმწოდებელმა შესყიდვის ობიექტის მიწოდება უნდა განახორციელოს ივანე ჯავახიშვილის სახელობის თბილისის სახელმწიფო უნივერსიტეტში, შემდეგ მისამართზე: ქ.თბილისი, ი.ჭავჭავაძის გამზ. #1, თსუ სტამბა.

5.2. შესყიდვის ობიექტის მიწოდების ვადაა: **ეტაპობრივად, შემსყიდველის მოთხოვნის შესაბამისად ხელშეკრულების გაფორმების შემდეგ 2023 წლის 20 დეკემბრამდე.**

5.3. შეკეთება და ტექნიკური მომსახურება გულისხმობს მიმწოდებლის მიერ საკუთარი ხარჯებით დანადგარის KONIKA BIZHUB C1060L-ის პროფილაქტიკური და დიაგნოსტიკური (მოსალოდნელი გაუმართაობის თავიდან აცილების მიზნით) სამუშაოების ჩატარებას, დაზიანების აღმოფხვრას/დეტალის შეცვლას.

5.4. მიმწოდებელი ვალდებულია შემსყიდველის შეტყობინებიდან (ზეპირი, წერილობით ან/და ელექტრონული ფოსტის მეშვეობით) დაუყოვნებლივ (მაგრამ არაუგვიანეს ორი სამუშაო დღის ვადაში) მოახდინოს დანადგარის წინასწარი დათვალიერება და რეაგირება მისი წარმომადგენლის მიერ (ტრანსპორტირების ჩათვლით), რის შემდეგაც მხარეები ადგენენ დეფექტურ აქტს, რომელშიც მითითებული უნდა იქნას აღმოჩენილი ხარვეზი და გასაწევი მომსახურების ჩამონათვალი, მომსახურების დაწყებისა და დასრულების ვადები. სრულყოფილად შევსებული აქტის მიწოდებას შემსყიდველისათვის უზრუნველყოფს მიმწოდებელი, რის შემდეგაც შემსყიდველი თანხმობის შემთხვევაში დაამოწმებს დეფექტურ აქტს.

პრეტენდენტმა თითოეულ შემთხვევაზე უნდა უზრუნველყოს მომსახურების გაწევა შემსყიდველის მხრიდან დეფექტური აქტის დამოწმებიდან 2 სამუშაო დღის განმავლობაში. განსაკუთრებულ შემთხვევაში შესაძლებელია მომსახურების ვადა განისაზღვროს შემსყიდველთან შეთანხმებით არაუმეტეს 30 კალენდარული დღისა, რაც აუცილებლად უნდა დაფიქსირდეს დეფექტურ აქტში.

5.5. პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით, შემსყიდველი ორგანიზაციის მიერ მოკვლეული საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

5.6. ხელშეკრულების დამდებ არცერთ მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით, სათანადო დეფექტური აქტის თანდართვით, შემსყიდველისა და მიმწოდებლის უფლებამოსილი წარმომადგენლების ხელმოწერით. შემსყიდველის მხრიდან ადმინისტრაციის ხელმძღვანელის 2020 წლის 6 მარტის #52/02-01 ბრძანებით განსაზღვრული მიღება-ჩაბარების აქტზე ხელმომწერი უფლებამოსილი პირები -----

6.2. მიღება-ჩაბარებისას შემსყიდველი ორგანიზაცია განახორციელებს მიწოდებული შესყიდვის ობიექტის ინსპექტირებას. ინსპექტირების შედეგებზე შედგენილ იქნება დასკვნა უფლებამოსილი პირების ხელმოწერით.

7. ანგარიშსწორების ფორმა, ვადები და პირობები

7.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

7.2. ანგარიშსწორება „შემსყიდველსა“ და „მიმწოდებელს“ შორის განხორციელდება ეტაპობრივად, ფაქტობრივად გაწეული მომსახურების მიხედვით, დეფექტური აქტის, მიღება-ჩაბარების აქტის, შესაბამისი ანგარიშ-ფაქტურის და/ან ინვოისის, სასაქონლო ზედნადების, ინსპექტირების დადებითი დასკვნის საფუძველზე, დოკუმენტაციის სრულყოფილი სახით წარმოდგენიდან 10 (ათი) სამუშაო დღის განმავლობაში.

7.3. ანაზღაურება მიმწოდებელთან განხორციელდება ფაქტობრივად გაწეული მომსახურების მიხედვით, შესაბამისად ხელშეკრულების საერთო ღირებულებიდან გამოუყენებელი თანხა დარჩება შემსყიდველთან და იგი არ წარმოშობს მხარეებს შორის რაიმე დამატებით ვალდებულებებს.

8. გარანტია

მის მიერ გამოცვლილ სათადარიგო ნაწილზე/დეტალზე და გაწეულ მომსახურებაზე საგარანტიო პერიოდი, რომელიც ითვლება რესურსის ამოწურვამდე (დანართი #1);

2. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი/დეტალი აღმოჩნდება მეორადი ან/და წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით, ტრანსპორტირების ჩათვლით, 5 (ხუთი) კალენდარული დღის ვადაში.

9. ხელშეკრულების პირობების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარეებმა დაუყოვნებლივ (არაუგვიანეს 1 დღის ვადაში) უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი გამოწვევი მიზეზის და შესაძლო ხანგრძლივობის შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს აღნიშნულ გარემოებებთან დაკავშირებით მიღებული გადაწყვეტილების შესახებ.

10. მხარეთა პასუხისმგებლობა

10.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0.02%-ის ოდენობით ყოველი ვადაგადაცილებული დღისათვის.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი თანხის 0.02%-ის ოდენობით ყოველი ვადაგადაცილებული დღისათვის.

10.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, მიმწოდებელი იტოვებს უფლებას შეწყვიტოს ხელშეკრულება და მოსთხოვოს შემსყიდველს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

10.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

11. მხარეთა უფლება-მოვალეობანი

11.1. „შემსყიდველს“ უფლება აქვს:

11.1.1. მოსთხოვოს „მიმწოდებელს“ ხელშეკრულებით გათვალისწინებული პირობების ზუსტი და განუხრელი შესრულება;

11.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

11.1.3. მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე.

11.2. „შემსყიდველი“ ვალდებულია:

10.2.1. უზრუნველყოს შესყიდვის ობიექტის ღირებულების გადახდა მე-7 პუნქტის შესაბამისად.

10.3. „მიმწოდებელი“ უფლებამოსილია:

11.3.1. მოსთხოვოს „შემსყიდველს“ შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

11.3.2. მოსთხოვოს „შემსყიდველს“ ხელშეკრულებით გათვალისწინებული პირობების ზუსტი და განუხრელი დაცვა;

11.4. „მიმწოდებელი“ ვალდებულია:

11.4.1. განახორციელოს შესყიდვის ობიექტის მიწოდება ხელშეკრულების მე-5 პუნქტის შესაბამისად;

11.4.2. უზრუნველყოს ხელშეკრულებით გათვალისწინებული ვადების დაცვა;

12. ხელშეკრულების პირობების გადასინჯვა და ცვლილებების შეტანა

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.5. თუ შემსყიდველი დარწმუნდება, რომ შეუძლებელია შესყიდვის ობიექტის მოცულობის მოწოდების დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმოწოდებული დააჯარიმოს ხელშეკრულების ღირებულების 10%-ის ოდენობით.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებებისაგან.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა უფლებამოსილი პირების ხელმოწერის დღიდან და მოქმედებს 2024 წლის 1 მარტამდე.

16. დასკვნითი დებულებები

16.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

17. მხარეთა რეკვიზიტები